

# BOSNA I HERCEGOVINA



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 05-16-3-738-12/26

Datum: 14.05.2026. godine

U skladu sa članom 100. stav (4) Zakona o javnim nabavkama ("Sl. glasnik BiH", br. 39/2014, 59/2022 i 50/2024), članom 21. stav (4) Pravilnika o internim procedurama u postupku javne nabavke u Memorijalnom centru Srebrenica-Potočari i direktnom sporazumu, broj: 01-02-3-1508/21 od 29.10.2021. godine, broj: 01-02-3-170/23 od 23.01.2023. godine i broj: 01-02-3-1847/24 od 02.08.2024. godine, kao i prijedlogom Komisija za javne nabavke broj: 05-16-3-738-11/26 od 14.05.2026. godine, direktor Službe Memorijalnog centra Srebrenica-Potočari, Spomen obilježje i mezarje za žrtve genocida iz 1995. godine donio je sljedeće:

## RJEŠENJE

### I

Usvaja se u cjelosti žalba ponuđača CENTROTRANS d.d. Sarajevo, izjavljena na Odluku o izboru najpovoljnijeg ponuđača broj: 05-16-3-738-9/26 od 08.05.2026. godine, u dijelu Odluke koji se odnosi na LOT 1 – Prevoz lica u BiH, u postupku javne nabavke usluga: Usluge prevoza lica i izložbi u BiH (LOT 1 i LOT 2).

### II

Stupanjem na snagu ovog Rješenja stavlja se van snage Odluka o izboru najpovoljnijeg ponuđača broj: 05-16-3-738-9/26 od 08.05.2026. godine i to isključivo u dijelu koji se odnosi na LOT 1 – Prevoz lica u BiH.

### III

Nakon pravnosnažnosti ovog Rješenja, postupak javne nabavke za LOT 1- Prevoz lica u BiH, vraća se u fazu ponovnog pregleda i ocjene ponuda.

### IV

Memorijalni centar Srebrenica-Potočari će u roku od sedam dana od dana donošenja ovog Rješenja dostaviti Uredu za razmatranje žalbi cjelokupnu dokumentaciju radi pokretanja postupka povrata uplaćene naknade za pokretanje žalbenog postupka u iznosu od 750,00 KM.

## O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine, pokrenuo je postupak javne nabavke usluga: „Usluge prevoza lica i izložbi u BiH“ (LOT 1 i LOT 2), putem konkurentskog zahtjeva za dostavljanje ponuda.

Nakon provedene procedure javnog otvaranja, pregleda i ocjene pristiglih ponuda, Ugovorni organ je dana 08.05.2026. godine donio Odluku o izboru najpovoljnijeg ponuđača broj: 05-16-3-738-9/26, kojom je za LOT 1 – Prevoz lica u BiH, izabran ponuđač - grupa ponuđača LAŠVA BUS d.o.o. i ARGENTA d.o.o. Srebrenica koji je dostavio prihvatljivu ponudu sa najnižom cijenom, dok je ponuda ponuđača CENTROTRANS d.d. Sarajevo (u daljem tekstu: Žalitelj) odbačena kao neprihvatljiva, jer nije dostavio odgovarajuću licencu za vozilo-minibus u skladu sa zahtjevom iz tenderske dokumentacije.

Žalitelj je dana 13.05.2026. godine blagovremeno izjavio žalbu broj 1/3304/26, ograničenu isključivo na dio Odluke koji se odnosi na LOT 1 – Prevoz lica u BiH.

U žalbi je navedeno da je Ugovorni organ počinio bitne povrede odredaba Zakona o javnim nabavkama BiH, pogrešno i nepotpuno utvrdio činjenično stanje, te pogrešno primijenio materijalno pravo.

Žalitelj je istako da je u pogledu ispunjavanja uslova predviđenog u tački 3.4.2. pod c) kojom je ponuđač bio obavezan u ponudi dostaviti: „licencu za vozilo-minibus izdatu od nadležnog ministarstva“ dostavio dokument – Izvod licence broj 5865-PL-39285 od 13.10.2025. godine, izdat od strane Ministarstva komunikacija i prometa BiH, koji po svojoj pravnoj prirodi ustvari i jeste licenca za vozilo izdata od nadležnog organa te da se, u skladu sa članom 5. stav (3) Zakona o međunarodnom i međuentitetskom cestovnom prijevozu („Službeni glasnik BiH“ br. 1/02 i 14/03) takva licenca izdaje za svako pojedinačno vozilo upravo kroz Izvod licence koji glasi na konkretno vozilo, te da je Komisija pogrešno ocijenila navedenu licencu kao „kopiju licence za prevoznika (firmu).“

Žalitelj je naveo da Ugovorni organ počinio bitnu povredu člana 68. stav 3. ZJN jer Komisija nije tražila pojašnjenje dokumenta u pogledu prirode dostavljenog Izvoda licence, što je i konstatovala u Zapisniku o pregledu i ocjeni ponuda, pod tačkom j) Zapisnika gdje piše da „Nije traženo pojašnjenje dokumenata.“

Žalitelj je uz žalbu dostavio i dokaze o uplati naknade i administrativne takse za pokretanje žalbenog postupka.

Postupajući po zaprimljenoj žalbi, u skladu sa obavezama propisanim članom 100. stav (1) Zakona o javnim nabavkama, Ugovorni organ je prethodno utvrdio da je žalba blagovremena, dopuštena, uredna i izjavljena od strane ovlaštenog lica.

Nakon utvrđivanja formalnih pretpostavki, Komisija za javne nabavke je detaljno razmotrila sve žalbene navode, prateće propise i cjelokupnu dokumentaciju iz ponude Žalitelja.

Komisija je u svom Zapisniku o razmatranju žalbe broj: 05-16-3-738-11/26 od 14.05.2026. godine konstatovala da su žalbeni navodi osnovani, te je jednoglasno predložila Ugovornom organu usvajanje žalbe i poništenje Odluke o izboru najpovoljnijeg ponuđača u dijelu koji se odnosi na LOT 1 – Prevoz lica u BiH, te da se postupak za navedeni LOT vrati u fazu ponovnog pregleda i ocjene ponuda.

Ugovorni organ, analizirajući utvrđeno činjenično stanje i prijedlog Komisije, konstatuje da je žalba osnovana jer je dostavljeni dokument pod nazivom „Izvod licence za međunarodni cestovni prijevoz putnika“, izdat od strane Ministarstva komunikacija i prometa BiH, pogrešno kvalifikovan kao „kopija licence za prevoznika“ (firmu).

Naime, uvidom u važeći Pravilnik o uvjetima za izdavanje licenci i izvoda licenci za obavljanje međunarodnog cestovnog prijevoza putnika i tereta ("Službeni glasnik BiH", broj 20/25), koji je donesen na osnovu člana 5. Zakona o međunarodnom i međuentitetskom cestovnom prijevozu, u članu 2. stav (1) tačka b) izričito je definisano da je „izvod licence“ odobrenje za motorno vozilo kojim se obavlja međunarodni i međuentitetski cestovni prijevoz putnika ili tereta, te je kao takav, dokument iz ponude trebao biti prihvaćen.

U skladu sa prednje navedenim, odlučeno je kao u dispozitivu ovog Rješenja.

**Pouka o pravnom lijeku:** Protiv ovog Rješenja može se izjaviti žalba Uredu za razmatranje žalbi BiH, putem ovog Ugovornog organa, u pisanoj formi u tri (3) primjjerka, u roku od 10 dana od dana prijema Rješenja.

Dostaviti:

1. Ponuđačima x2
2. Predmet
3. A/a

